

**917.**

1446 Januar 2

***Einigung zwischen Johannes Margkart und Franz Welgkir sowie Rudolf von der Planitz über die Verleihung von Schafen.***

*fol. 170r* Wissit daz wir am suntag nach circumcisionis Domini anno etc. XLVI<sup>o</sup> in der fruntschaft geteidingit haben czwischen Johannes Margkart und Francz Welgkir uff eyne und juncher Rudolff von der Plawenicz uff dy andere partye von wegen eynis brieffes, der in sich heldit eyn hundirt schaff eynscheriges vihis und jerlichen vier steyn wollen davon czu czinsze, als daz sy om dy schaffe vordir daz jar sullen laszin anstehen biz uff Michaelis<sup>a)</sup> schirst komen. So sal òn juncher Rudolff an widirrede eyn hundirt schaff eynscherigen vihis rechter lantwer ane widirrede und an allis vorczihen antworten nach inhalt ires brieffes und sulche wolle,<sup>b)</sup> dy er òn darvon czu geben phlichtig ist und vorsessen hat, sal er on auch geben an allen vorczog uff Walpurgis schirsten komende und werin in der wage nach usz wiszunge des brieffes an argk und an geverde.

*a) folgt durchgestrichen schirst b) nach Überschreibung, vorher wolff*

**918.***ohne Datierung****Hans Wellir bekennt eine Schuld und verpfändet sein Haus.***

*fol. 170r* Hans Wellir hat bekanth, daz er an rinden schuldig sey Hanszen Sorrer 13 alde ß gr, daz er òm gereth hat czu bezalen, wenne er uff dy neste reisze von Frangkford widir heym komit, davor hat er òm czu phande eyngesaczt seyn huszleyn vor dem Frauwenthor, daz Payszinkesz in lehin und mit vorwillit hat, ab òm nicht bezalunge gesche, daz er sich sulcher schuld vor ydirmenlich doran irholen sal.

**919.**

1446 Februar 27

***Spiler aus Weißenborn bekennt eine Schuld und verpfändet eine Wiese.***

*fol. 170v* Spinler von Weissinborn hat bekanth, daz er schuldig sey Fricz Kucheler 8 alde schogk groschen, dy er òm bynnen eynem jare uszrichten und bezalen wil und hat òm sulche schuld mit eynir wizin czwischen den grunden gelegen czu dem erbe gehorinde vorphant. Ab er òm dy schuld in eynem jare nicht uszrichte und bezalte, so hat er gekort, daz er dy hulffe